

3393/a
FUNEBRIS NÆNIA,

SIVE

CASTRUM DOLORIS

QUOD LUGENS ECCLESIA DE SE
OPTIME MERENTI

INNOCENTIO XI.

Pont. Opt. Max.

IN SIGNUM ÆTERNÆ DEVO-
TIONIS CONSTRUXIT.

DUM FUNEBRIA PRO IN-
NOCENTISS.^{ma} ANIMA, VOTA

In Cathedrali Ecclesia Labacensi

UT TRIBUTA DEVINCTI
ANIMI SOLUEBANTUR

à GEORGIO ANDREA GLADICH. Can. Lab. SS. Th.
& J. V. C. positum.

XXVI. Augusti Anno M. DC. LXXXIX.

*Quia in lætitia egrediemini & in Pace deducemini,
montes & colles cantabunt coram vobis laudem, &
omnia ligna regionis plaudent manu. Esai. 51.*



Ovid., 2. Pent.

Udiat cuius interest Orbis Christianus
Audite vos gentes, audite Populi,
Lacrymis ora sinúsque rigate.
Lugeat Roma terrarum Domina, gentiumque Princeps,
Undaque turgentes impellant lumina guttas.
Ecclesia tota quam longè latèque patet
Deffleat INNOCENTIUM XI. Pontif. Max.
Orbis, ODESCALCUM Virtutibus sæculi Principem
Immortalis nominis Heroem,
Qui post strenuè exantlatos labores
Cælo & terrâ dignus,
Immortalibus onustus meritis
Mortales tandem ærumnosi corporis exuit exuvias.
Qui postquam ex sago ad purpuram evectus
Ecclesiæ tandem fastigium meruit,
Ut velut alter Samuel militantem Triumphare doceret.
Hoc, quo ad Clavum sedit, egregio præstitit exemplo
Non curans curas, vigilias, nec labores,
Sub tanti enim nominis umbra negatur quies,
Quia perrumpunt facile ouilia lupi, dum pastor dormit.
Averrunceavit è vinea Domini spurios furculos
Hortum plantavit immunem Zizanijs.
Oves ab hædis segregans
Ne quid in ovili lateret noxij, se absente nociturum
Raræ providentiæ Magister.
Pernitiosa dogmata Strenuè exterminuivit,
Immunitatis & disciplinæ Ecclesiasticæ restaurator eximius,
Utriusque assertor Inviectus.
Liber in tradenda veritate, constans in tuenda Justitia,

Im.

Impavidus in asserenda S. Sedis auctoritate,
Infractus curis, ardentissimus Zelator honoris Divini,
Ubi maximum præstitit in hoc turbine felicitatis suffragium
Quod à prudentia manavit & virtutum apparatu.
Orphanarum asylum, pauperum refugium, afflictorum solatium,
Visceribus Charitatis, misericordiæ, & liberalitatis præditus,
Non tondens sibi commissum, sed pascens gregem,
Non quærens quæ sua sunt, sed quæ Dei.

Hoc proinde mortali DOLORIS CASTRO parentant universi,
Tanto Pontifici re ac nomine INNOCENTIO
Uni publici commodi (si quis alius) Studioso,
Privati incurio.

Afflictæ religionis Præsidio, Labentis fidei Atlanti,
Pietatis & æquitatis exemplo rarissimo,
Propagatori Orthodoxæ fidei Studiosissimo.

Missis colonijs Prædicatorum doctrinæ Apostolicæ
In extremas usque orientis & occidentis plagas
Insulasque hætenùs mortalibus incognitas.

Reipublicæ Christianæ magno Defensori,
Non modo innumeris aureorum millibus magnificè profusis;
Sed assiduis ad Deum obsequijs, precibus, lacrymisque,
Et exhortatione jugi ad Orbis Proceres,
Ut foedera Socient, in infideles bellum concitent.

INNOCENTIO inquam ALTERI Exercituum ANGELO
Pijssimum LEOPOLDUM Germaniæ Imperatorem
Serenissimum Sarmaciæ Europææ Regem,
Felicissimum MAXIMILIANUM Boiorum Principem,
Fortissimum Lotharingiæ Ducem,
Totùmque Christianum Exercitum
è Specula S. Petri ducenti & dirigenti.
Victori tandem Gloriosissimo

Cujus provida virtute in Scithiam fugata Orientalis superstitio.
Adeo, ut tranquillam jam videbatur orbis cepisse quietem.

Hæc ergo pro merito sibi trophæa apponi meruit
Quæ ab utroque hoste mira luctandi arte reportavit

I N N O C E N T I U S :

DUX simul & VICTOR

Pastor, Patriæ Pater

Non humano sed Divino olim consilio

Ad has temporum vicissitudines moderandas vocatus.

Quas nisi sua prudentia & virtute sustinisset

Propè corruisset sua mole Orbis,

Ubi inculpatæ vitæ Theatro exhibuit Sanctas Justitiæ leges,

Constantiæ spectacula, benignitatis documenta,

Liberalitatis rara specimina,

Temperantiæ instituta, Religionis Zelum,

Virtutum denique omnium exempla,

Harum quas prædicavit, vixit observator legum;

Quarum vim geminat legislator cum suâ eas observantiâ veneratur,

Tunc observantior æqui

Fit populus, nec ferre neget, cum viderit ipsum

Censorem parere sibi

Quibus id universim effecit ut unus Theatrum evaderet,

In quo lusere omnium affectus, occupavere Austriæ desideria,

Exercuere summorum æque ac infimorum vota,

Regum quoque Cæsarumque æstimatio

Spectatorem pariter egit, & laudatorem.

Tragico demum spectaculo clausit lux vitæ Epilogum

Ingenti prorsus, proh dolor! Ecclesiæ luctu.

Hoc unum Orbi relinquens memorandum

INSATIABLEM vixisse **BELLUAM**

Dum Orbis amplitudinem angustam sibi putavit

Innatæ virtutis Studio,

Donec satiata (ut dictum) meritis

Exiguo clauderetur monumento.

Hæc fit Synopsis vitæ,

Quam Luget Orbis

VIXIT CVPIDVS gLoriæ sVperVM.